

**DE CHRISTI DOMINI
ASCENSIONE
ORATIO HABITA IN
SACROSANCTA
BASILICA...**

Gregorius Sceriman, Valenti
Gonzaga

Sanctissimo Dño Nostro
CLEMENTI XIII.
 PONT. OPT. MAXIMO.


GREGORIUS SCERIMAN
 FELICITATEM.



*U*M banc Orationem tibi dicandi, consecrandique consilium cepissem, BEATISSIME PATER; multa continuo mihi obversari visa sunt, quæ me ab incepto discedere meritò jubere arbitrabar. Ultro enim agnoscebam me rem cæteroquin nobilissimam, ornatèque facile dicendam eò humiliori excogitandi genere, inconcinniorique dicendi modo tractasse, quo ipse quovis in terris agente sublimiori dignitatis amplitudine fulges, quove graviore rerum existimandarum polles judicio. Sed simulatque oculos, animumque retuli ad præclarum illud, quod in te nunquam deferbuit, studium, quo non modo Urbs hæc amplissima, verum

etiam omnis paulatim Ecclesiasticus Ordo viris & pietate clarissimis, & omni doctrinae genere ornatissimis in diem florescit; minime pertuli me deterreri, ne quod cupide susceperam, alacriter perficerem, optatumque ad exitum perducerem. Cum enim dilucidè viderem immortale esse, constitutosque hominum vitæ terminos longè egredi, quod pulchrè te agit adjuvanda Reipublica, desiderium, non dubitavi, quin mansuetè, clementer, benignè & eum sis excepturus, quem vides contendere, ut aliquando Deo O. M. adjuvante saltem minima ex parte desiderii immortalitatem tui possit explere. Benigne igitur excipe, BEATISSIME PATER, quam tibi offero, Orationem; ne forte me unum (quod non spero) ab illa universali, & extra fortunæ aleam ab omnibus posita spe conquerar destitutum. Diù te incolumem Reipublicæ Deus servet, PONTIFEX OPTIME, tuorumque seriè annorum in extensum ævum producat.





ORATIO.



Uamquam, BEATISSIME PATER nihil videtur accidere tristius Orbi Terræ potuisse, quam ut Sanctissimus ille humani Generis reparator e mortalium conspectu, quibus tanto bono præsens fuerat, ad illam Piorum Sedem, & locum tolleretur; nihil tamen æquius, ac sapientius arbitror institutum, quam quod hodierno die facimus: ut illius memoriam discessus tanta omnium ordinum gratulatione, atque his gestientis animi vocibus prosequamur. Enimvero amantissimo Parenti salutis

nostræ eorum , a quibus peccati servile jugum dejecerat, jucundus erat aspectus, at vero ille veluti e liberata Provincia in Patriam reditus multo jucundissimus: hominibus ejusdem præsentia , vox , alloquutio gloriosa erat, ac salutaris ; absentia vero propter earum rerum , quas postea vidimus magnitudinem , atque præstantiam multo, & gloriosior, & fructuosior: ita, ut cum illius causa, tum etiam nostra hodierna luce maxime lætandum esse videatur .

Atque ut inde Oratio mea proficiat, unde tota hæc celebritas ducta est, jure optimo existimare mihi videor, hanc Dei hominis ad æternitatis Domicilium profectionem nobis Christum diligentibus plurimum ad lætitiâ valere oportere . Etsi enim ille ab ea Beatitate , quæ in amore , atque intuitu Dei O. M. posita est, vacuum in vita horam, atque adeo punctum temporis non habuit, ea tamen, quæ ab externo creaturarum studio, atq: obsequio proficiscitur, nunquam tam plenè , cumulatèque illi

accessit, quā cum hodiernō die victor in Patriam remearet . Quid enim amplius , quid illustrius ad omnem , sive mortalium , sive immortalium amorem admirationemque illi conciliandam potuit accidere, quam quod Triumphator , novo pugnandi genere , novisque artibus universo Terrarum Orbe à teterrima servitute vindicato , infinitis exantlatis laboribus , inumeris meritis cumulatus , paria divinis virtutibus præmia referens , summo rerum omnium Imperio potiretur . Atque hic honor , quantus , quamque singularis sit , hinc aliquomodo licet existimare , quod tanta hoc ASCENSIONIS die gloria , & veluti luce Christus perfusus est , quantis paulo ante ignominias , & veluti tenebris coopertus jacuerat . Jam quis est , qui non norit , Christi dolores fuisse maximos , ignominias ne fando quidem antea auditas , quas Pater , eum subire voluit , ut ereptum sibi honorem cumulatissimè rependeret ? Liceat mihi igitur , pro tanto , tamque eximio Servatoris Nostri triumpho , festis vocibus

bus, & exultanti gaudio iterare . O felices Christi labores! O Cruciatuſ Optabiles! O mors fauſte obita! Quam cito omnia ex ſumma contumelia in æternum, ampliffimum honorem, ex maximis poſt natos homines doloribus in Beatiffimam, modum non agnoſcentem voluptatem reciderunt! Vulnera illa, queis miſerum in modum corpus deſciſſum erat, pulcherrima luce radiaverunt: jam inſanis Populi clamoribus honorificentiffimæ Beatorum Civium voces ſucceſſerunt: Jam qui latro, qui maleficus, qui ſeditioſus fuit publicè compellatus, ab omni Celefti Militia præſtantiffimis decoratur nominibus: jam denique, qui ab indigniſſimis Judeis, cœu lutum foediſſimum, conculcatus fuit, ad ipſius Dei Patris conſeſſum elevatus, omnes Cœleſtium Incolarum Choroſ ſumma afficit voluptate, humanoque ore indiſta complet Beatitate .

Quæ cum animo recolimus, non poſſumus non recordari, tot, tantoſque honores Chriſto hac noſtra humanitate

induto tributos fuisse proindeque humanam naturam, hac lætissima die, eo dignitatis splendorisq. devenisse, ut altius non natura, sed ne gratia quidem valeat asurgere. Orem hominum admiratione lætitiis, prædicatione dignissimam! Christus victor, naturæ nostræ exuviis circumdatus super omnes Coelestium legionum, & ducum ordines se se extollit; purissimas illas, & ab omni corporis contagione secretas mentes supergreditur; Æterno Patri denique quam proximus affidet. Tollatur jam funditus, atque deleatur amissæ ob avitum Crimen nostræ dignitatis memoria multo quippe plus decoris Christus communi naturæ addidit, quam sævissimus hostis intulerit probri.

Jam vero cum Christus amantissimus Reparator noster, tam faustè, fortunateque Cœlum inierit, quid inde utilitatis in nos non redundabit? Et primū ea vel maxima utilitas, ex Christi Ascensione in nos profecta est, quod nimirum Discipulorum, & proinde Christianorum

omnium fides roborata inde, atque aucta ita eorum pectoribus adhæsit, ut nulla potuerit violentia inde divelli. Erant enim Discipuli ante Domini Ascensionem, & in fide fluctuantes, & in adversis exanimes; Spes eorum languida, & charitas parum firma; Sæpe hæsitabant, metuebant sæpe, trepidis sæpe cogitationibus æstuabant. At cum insueto lumine coruscantem, ac reditum in Coelestem Sedem propria virtute illum assurgere conspexerunt, ita confirmati sunt, ut nihil tam durum, nihil tam immane, nihil tam terribile eis obiici potuerit, quod possit a Christi Religione obfirmatos animos quoque modo abducere. Deinde quantum in Coelo præsidii, quantum opis, ac gratiæ comparatum hominibus esse existimabimus, cum Christus humanam præseferens vestem, Patrique obductas nondum vulnerum cicatrices ostentans eorum se esse caput, patronumque amantissimum profitetur! Tanto subnixi Patrocínio nihil jam, quod non speremus; nihil jam, quod usquequa-

que pertimescamus . Christus pro nobis intercedit ; Christus vindicem Patris iram a nobis deprecatur , Christus tartareas vires cohibet , obtundit , propulsat ; Christus denique per Divini Spiritus illapsum ad se nos vocat amantissimè , ac si paternis obtemperemus vocibus suæ Gloriæ nos participes fore ultro pollicetur .



F I N I S .



The first of these is the fact that the
 climate of the country is very variable.
 It is not uncommon for the temperature
 to rise to 100° in the day and fall to
 60° at night. This is due to the fact
 that the country is situated in a
 tropical zone. The second fact is that
 the soil is very fertile. This is due to
 the fact that the country is situated in
 a tropical zone. The third fact is that
 the people are very friendly. This is
 due to the fact that the country is
 situated in a tropical zone.



The fourth fact is that the
 country is very rich in natural
 resources. This is due to the fact
 that the country is situated in a
 tropical zone.